

Ո Ր Ո Շ ՈՒ Մ

Ճանապարհային ոստիկանության վարչական իրավախախտման վերաբերյալ գործով
21.10.2021թ. կայացված ԱՖ805725 որոշումն անփոփոխ, իսկ վարչական բողոքն առանց
բավարարման թողնելու մասին

<<10>> 11 2021թ. 7-13- 16861

ք.Երևան

Ճանապարհային ոստիկանության պետի պաշտոնակատար, ոստիկանության գնդապետ
Ն.Սարգսյանս, վերանայելով Արսեն Հարությունյանի ՄԴ/90742-21 դիմումի քննարկման
արդյունքում ստեղծված նյութերը՝

Պ Ա Ր Զ Ե Ց Ի

Քաղաքացի Արսեն Հարությունյանը (ծանուցման հասցե՝ ք.Երևան, Արաբկիր վարչական
շրջան, Սոսեի փողոց, 2 շենք, 15-16 բնակարան) դիմումով խնդրել է անվավեր ճանաչել
Ճանապարհային ոստիկանության վարչական իրավախախտման վերաբերյալ գործով
կայացված ԱՖ805725 որոշումը՝ հայտնելով իր անհամաձայնությունը կայացված որոշման հետ:
Միաժամանակ հեռախոսակապի միջոցով պնդել է դիմումում նշված հանգամանքները և խնդրել
է դիմումը քննել առանց իր ներկայության:

Դիմումի քննարկման արդյունքում պարզվել է, որ վարչական ակտը ենթակա է կատարման
հետևյալ պատճառաբանությամբ.

<<Ավտոտրանսպորտային միջոցների օգտագործումից բխող պատասխանատվության
պարտադիր ապահովագրության մասին>> օրենքի 5-րդ հոդվածի 4-րդ մասի համաձայն՝
յուրաքանչյուր անձ պետք է մշտապես ունենա սեփականության իրավունքով իրեն պատկանող
(ֆինանսական վարձակալության (լիզինգի) պայմանագրով իրեն տրամադրված) և Հայաստանի
Հանրապետությունում հաշվառված յուրաքանչյուր ավտոտրանսպորտային միջոցի համար
կնքված և գործող ԱՊՊԱ պայմանագիր: Արգելվում է ընդհանուր օգտագործման
ավտոմոբիլային ճանապարհներով ավտոտրանսպորտային միջոցի վարումը, եթե դրա համար
առկա չէ այն վարելու պահին գործող ԱՊՊԱ պայմանագիր:

Վարչական իրավախախտումների վերաբերյալ ՀՀ օրենսգրքի 129.2-րդ հոդվածի 2-րդ
մասի համաձայն՝ առանց տվյալ տրանսպորտային միջոցի համար կնքված
ավտոտրանսպորտային միջոցի օգտագործումից բխող պատասխանատվության պարտադիր
ապահովագրության գործող պայմանագիր ունենալու՝ Հայաստանի Հանրապետության
տարածքում ընդհանուր օգտագործման ավտոմոբիլային ճանապարհներով տրանսպորտային
միջոցը վարելը՝ առաջացնում է տուգանքի նշանակում՝ սահմանված նվազագույն
աշխատավարձի հարյուրապատիկի չափով:

Ուսումնասիրությամբ պարզվել է, որ 21.10.2021թ. ժամը՝ 16:05-ին Երևան-Սևան
ավտոճանապարհի Վ.Պտղնի գյուղի հատվածում քաղաքացի Արսեն Հարությունյանի վարած
<<LEXUS>> մակնիշի 5834CU ժամանակավոր համարանիշի ավտոմոբիլը, որին հատկացված
է եղել 55YY557 հաշվառման համարանիշերը կանգնեցվել է Ճանապարհային ոստիկանության
ՃՊԾ 2-րդ սպայական գումարտակի 3-րդ սպայական վաշտի 1-ին սպայական դասակի
տեսուչ, ոստիկանության կապիտան Ա.Վերդյանի և նույն դասակի ավագ տեսուչ,
ոստիկանության մայոր՝ Ա.Մխիթարյանի կողմից՝ <<Ավտոտրանսպորտային միջոցների
օգտագործումից բխող պատասխանատվության պարտադիր ապահովագրության մասին>>
օրենքի 5-րդ հոդվածի 4-րդ մասի պահանջի խախտման համար, այն է՝ վարորդն ավտոմոբիլը

վարել է չունենալով վարելու պահին նշված տրանսպորտային միջոցի համար գործող ԱՊՊԱ պայմանագիր: Վարորդի նկատմամբ կազմվել է վարչական իրավախախտման վերաբերյալ արձանագրություն և Վարչական իրավախախտումների վերաբերյալ ՀՀ օրենսգրքի 129.2-րդ հոդվածի 2-րդ մասի համաձայն, կայացվել է ԱՖ805725 որոշումը՝ վերջինիս 100.000 ՀՀ դրամի չափով տուգանելու մասին:

Ճանապարհային ոստիկանության ծառայողների կողմից տրված պարզաբանման համաձայն՝ քաղաքացի Արսեն Հարությունյանի կողմից կատարած իրավախախտումը հայտնաբերվել է Ճանապարհային ոստիկանության ՃՊԾ բաժնի ծառայողների կողմից՝ ՃՈ էլեկտրոնային ռեգիստրում առկա տվյալների միջոցով, ինչի կապակցությամբ կազմվել է համապատասխան արձանագրություն և կայացվել է ԱՖ805725 որոշումը:

Ոստիկանության ծառայողները միաժամանակ հայտնել են, որ իրենց և վարորդի միջև ծառայողական բնույթի խոսակցություններից բացի այլ խոսակցություններ չեն եղել:

Նշված փաստը հիմնավորվել է ՀՀ ապահովագրական բյուրոյի հայտնած տեղեկատվությամբ՝ <<LEXUS>> մակնիշի 55YY557 հաշվառման համարանիշի ավտոմոբիլը 21.10.2021թ. ժամը՝ 16:05-ին չի ունեցել գործող ԱՊՊԱ պայմանագիր: Վերը նշված տրանսպորտային միջոցը ապահովագրվել է <<Նաիրի ինշուրանս>> ապահովագրական ՓԲԸ-ում 21.10.2021թ. ժամը 16:27-ին և հատկացվել է SL926430 ԱՊՊԱ վկայագիրը, որն ուժի մեջ է մտել 21.10.2021թ. ժամը 16:41-ից, ավարտ՝ 21.10.2022թ., ինչպես նաև 5834CU ժամանակավոր համարանիշի ավտոմոբիլի վերաբերյալ ապահովագրական տվյալներ առկա չեն:

Այսպիսով, դիմումատուի արարքում առկա են Վարչական իրավախախտումների վերաբերյալ ՀՀ օրենսգրքի 129.2-րդ հոդվածի 2-րդ մասի հատկանիշները:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական իրավախախտման վերաբերյալ գործով 21.10.2021թ. կայացված ԱՖ805725 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում:
3. Սույն որոշման օրինակն ուղարկել Արսեն Հարությունյանին և Ճանապարհային ոստիկանության ՃՊԾ 2-րդ սպայական գումարտակ:



Ն.Սարգսյան